

MBUQTIDEM EMI AKADADE MME IBORQ EDI

Mark 5:21-43

OYOHQ UKPEP-ŊKPQ 80

Eke Ikpq Owo

IKQ IBUOT: “Edi ke mbuqtidem miduhe, owo ikemeke ndinem Abasi esit; koro owo eke asañade ekpere Abasi enyene ndinin ete Enye ododu, onyũ edi Andinq mmq emi eyomde Enye utip” (Mme Hebrew 11:6).

I Edifiak Ndi Jesus

1. Mme owo enyene udqñ ndisobo ye Enye, Mark 5:21; Luke 8:40; Jeremiah 29:13
2. Jairus qsuqhre idem ke iso Christ, Mark 5:22; Luke 8:41; Matthew 9:18; Psalm 33:8
3. Akwa mbuqtidem ke Jesus qwqro owut idem, Mark 5:23; Matthew 8:2, 8-10
4. Jesus okop mkpe-ubqk esit akpanikq, Mark 5:24; Matthew 9:19; 8:5-7

II Unana Ukeme Owo Ye Ukeme Emi Akande Odudu Owo

5. Nwan oro ama okut ukut ke ata anyan ini, Mark 5:25; Matthew 9:20; Luke 8:43
6. Ediwak mbia-ibqk ikekemeke ndikqk, Mark 5:26
7. Ukpqn emi qbuqtde idem okut ubqh, Mark 5:27-29; Matthew 9:21, 22; Luke 8:44
8. Jesus okut ete ke nwan oro asaña ye mbuqtidem edi, Mark 5:30-32; Matthew 9:22; Luke 8:45, 46
9. Enye qdqk utip mbuqtidem esie, Mark 5:33, 34; Luke 8:47, 48; Mme Hebrew 11

III Uwem Emi Otode Mbuqtidem

10. Edisobo ye akamba mmem-idem, Mark 5:35; Luke 8:49
11. Jesus qsqñq ete ye eka eyen oro ekedude ke mfuho idem, Mark 5:36; Luke 8:50; Mark 9:23
12. Okposuk edi mme owo ekesakde enye nsahi Jesus osuk anam akamba utibe nkpq eñwen, Mark 5:37-43; Matthew 9:23-25; Luke 8:51-55.

SE EKPEPDE EBAÑA

Nte Ekedarade Christ Ke Edem Inyã Eken

Ukpqhre ama odu nte mme owo ekedarade Christ ke “edem eken” ye edisio unyqñ emi ekieside Enye ke Gadara! Enye ama qkqk ata qkpqsqñ enyene-ndik owo Gadara, owo emi akanamde mme owo ndik ke anyan ini, edi ema esin enyũ edqh Enye ete qwqro qnyqñ.

Edi ke adañemi Jesus okosimde “edem eken” ediwak owo ema eka ekesobo ye Enye. Enye kpa nte esidide ke kpukpru ini, ama edisobo ye mmq emi ekesikade ekeyom Enye ke ofuri esit. Esit Esie esiwqro ebine mmq emi ekutde ukut, akpan-akpan mmq emi ewukde enyin ese Enye eyom uñwam. Kpukpru owo emi eketienede Enye ema ekop Edisana ubqk edikqk Esie nte okotukde mmq. Mme mmq oro ekedide ediyarare mme idiok-ñkpq mmq ema esikop idara erifen emi Enye ikpqñ ekemedede ndinq.

Ke otu mme mmq oro ekesobode ye Enye ke ndo ndo oro Enye osimde do ekedi Jairus, andikara synagogue, emi ekebeñede Jesus ete edi edikqk eyen imq añwan. Jairus ama qfiok idaha odudu Eyen Abasi ndien qnq Enye ukpono eke odotde ke adaña emi onimde ebeñe Esie. Idaha esie nte andikara ke synagogue ama anam enye edi owo emi enyenede ukpono ke otu owo, edi enye ama enyene nsuhqridem emi akanamde enye qfiok odudu Christ ke kpukpru ñkpq isqñ. Enye ama qduq ke ukot Jesus nditiñ ebeñe esit esie onyũ ekere ete ke edi ukpono ndinam ntre. Jesus ikasuaha inq Jairus ke edinam emi, edi ama onyime, koro ekedi nnen-nnen nte enye qfiok ete ke Jesus ekedi Eyen Abasi, Christ emi akanade nte edi. Mmq emi minimke ke akpanikq, mme mmq emi esinde odudu Christ, ibqh eridiqñ Abasi!

Jairus Ye Mbuqtidem Esie Ke Christ

Jairus ama edi ke mbuqtidem, ndien ke ntak mbuqtidem emi, eyen esie añwan ama okop nsqñ-idem. Ama onuk enye ndiwut mbuqtidem esie ke ini enye akanamde akpa ebeñe esie qnq Jesus edi ke akade iso ke adaña emi etop osimde enye ete ke eyen oro ama akpa, enye okosuk “atatuak ada” ke mbuqtidem oro. Akpa utom mbuqtidem ekedi añwa-añwa utom, mkpe-ubqk ke abaña mbqm ye odudu erikqk emi otode Enye emi Ekeyetde Aran Enim. Qyqh iba ekedi ke ofuri esit, koro mbemiso enye enyeneyene ifet nditiñ ikq kiet ema efiak esqñq enye idem, “Kufehe ndik, kam nim ke akpanikq.” Didie ke odu uwem mbuqtidem ke ukpqñ esie okpokoyok ke utq ikq nsqñq-idem oro! Ekpededi nte ekedi ñkim-ñkim, mme ke ekikere isqñ emi kpukpru idorenyin ama okure, ekpededi nte ke ema esio idem ibifik uwem efep, ikq okosuk edi ukem-ukem, “kufehe ndik, kam nim ke akpanikq.”

Mbuotidem ama enyene utip esie. Ekpri eyenañwan oro ama okop ikọ oro andidi Qbọñ uwem ye mkpa eketiñde. Uwem ọtọñọ ntak okoduk ke ikpohidem emi ama ekebit ndien enye adaha asaña. Enye ama okop nsọñidem, eyen emi editọñode ntak isin uñwana ke ufọk, ye uyai uyen ke enye, ọkọrọ ye idorenyin uwem emi anade enye ke iso. Nso utọ utip ke ekpri erinyene mbuotidem ke Enye emi akananam minhọ owo ntak ndiyik ima, mbom ye odudu Esie!

Ñwan Emi Okotukde Edisine Ñkpọ Christ

Nte ededi, idighe kpukpru owo ke usen oro ekenyene ifet ndiduo ke ukot Jesus ndibeñe mbaña uñwam, mme nditiñ ikọ nnọ Enye iso ye iso nte Jairus ekenyenede. Ikọ Abasi etiñ ọnọ nnyin ete ke ediwak owo ema etiene Jesus nte Enye ọkokpọñde mben inyañ aka ke ufọk Jairus, ndien ke udim isañ oro ñwan kiet ama odu emi okonyuñ oyomde uñwam emi Enye ikpọñ ekemedede ndinọ. Edi idem ikememke enye koro enye mikenyleneke ukem ifet emi etubom synagogue akadarade abaña.

Ñwan emi, ñko, ama enyene mbuotidem. Ndien edieke nnyin ikpodude ke idaha ndikpe ikpe mbaña udomo mme utọ mbuotidem emi owo kiet-kiet ekenyenede, nnyin imekeme ndidhọ ite ke enye ama enyene mbuotidem okpon onyuñ ọfọn akan eke mmọ efen ke usen oro. Ama enyik enye ke esit oto ke ntak mfina emi enye ekenyenede, ye akwa otu owo emi ekekande enye ekuk ye ediwak utom emi Eyen Abasi akanamde, ndida ifet ekededi emi enye ekenyenede nnam ñkpọ. Emi ke enye akanam.

Enye ama okut ukut ke ediwak isua ke ubọk mbia-ibọk. Mmọ ema ebọ enye kpukpru okuk esie; idaha emi enye eyedi ubuene onyuñ odu ke ata ọkpọsọñ ndiok-idem. Ekeme ndidi enye ama aka ebine kpukpru owo ke kpukpru ebiet ekededi eke enye ekekemedede man ọbọ erikok, edi ke emi se enye okokutde ekedi abiaña edinam ye ubiak emi okotode usọbọ mmọ ọkọrọ ye udọñọ esie! Kpukpru se ikadade itie ama etie nte ñkpọ eke ekpemde mbuotidem esie ke ñkpọ ekededi ye ke owo efep. Ndusuk enye ama ọduok idorenyin ofuri-ofuri ekere ete ke idorenyin iduhe aba inọ imọ. Edi enye, kpa nte Jairus, ama omum mbuotidem esie ke Abasi akama ke adaña ini emi enye edide ndisobo ye Andinọ Uwem.

Enye ama enyene nsuhoridem ke esit esie, onyuñ ekere ete ke imọ idotkedot ndikpafina Qbọñ. Enye ekedi ata usuhore eyenañwan emi mikenyleneke ñkpọ ndomo kiet se edade ediọñọ enye inyuñ inyleneke uko. Enye ikadaha ñkpọ ndomo kiet idi ke mibohoke udọñọ ye mme idiok-ñkpọ esie. Edi ke usen oro enye ama okut ete ke Jesus ikam idarake ke uko ererimbot mme ubọñ, edi ke udọñ esie ekedi ndiñwam kpukpru owo emi ekedide etiene enye, koro ama añwam enye. Edu uwem esie ekedi kiet ke otu usuñ edikpono Abasi ye mbuotidem, koro enye ama ọfiok ete edieke imọ ikam isuk itukde mben ọfọñidem Esie, ediwak ufọn ekeme ndito do ke Enye emi edide edisana onyuñ ọkọk udọñọ imọ. Enye ikekereke ite ke odot ndikafina Enye, ikeneñekede idi akpan ñkpọ Jesus ndikodori enye ubọk ke ibuat esie. “Mma ñkam ntuk ekpedi ọfọñidem Esie, nyekop nsọñidem” ekedi ñkpọ emi ekenyikde enye ndiyom usuñ esie mbe akwa otu oro ñkesim ke ufot itie oro Qbọñ akasañade.

Edi ke “esit ekwere” ke ibọ mfọn Abasi. Edi isidighe ke ñkañ añwan emi oyomde usuñ ọkpọñ otu owo ke esisobo ye enye. Iduhe owo emi omumde ererimbot ke ubọk kiet ndien ekeme ndikut nti ñkpọ emi etode Enye emi okobotde ererimbot oto ke ikọ inua Esie. Edieke owo oyomde ndibọ eridiọñ nto Abasi, owo oro enyene ndisin ifik nsaña ndiana Jesus, ke mbuotidem ye ọyọhọ idorenyin ke esit ye ke ekikere.

Eke eyen-añwan oro ekedi erituk ke mbuotidem, koro enye ọkọdohode ete, “Mma ñkam ntuk ekpedi ọfọñidem Esie, nyekop nsọñidem” (Mark 5:28). Ikedighe eritotuk emi asañade ye ikpikpu udọñ. Enye ikanamke nte mme mmọ oro ekenukde enyuñ etuakde Enye nte enye akasañade. Eke esie ekedi ndikam ntotuk. Owo ekeme ndikut enye nte asañade ye ndutuhọ udọñọ esie, onyuñ onukde idem esie esin ke otu mme owo emi ekeyohode ye ibak enyuñ efikde kiet eken ke ikpikpu udọñ ndikut Enye emi akadade eti ido anam ikpọ utibe ñkpọ. Ntak ama odu ke ebede se enye akanamde ke ndiñwana nsaña ñkpere. Ndusuk ke akpa ifet enye akanyan ubọk esie: ekem nnuenubok esie kiet mme iba etuk ọfọñ Esie; ekeme ndidi enye ama omum mben ọfọn Esie ye ukpono ye suñ-suñ ebeñe mbom, ekem enye ọduok odudu ndien asana ayak.

Idem esie ama ọsọñ, Obufa uwem oduk enye ke Idem! Akani mfina oro osop. Enye ama ọtọñọ ntak okop ata nsọñ idem ke ikpohidem esie. Enye ikoyomke ñkpọ efen kebede edituk ke mbuotidem man utom oro ọyọhọ. Ama edi ntre. Enye ama eneñere asaña ke ido emi ndusuk enye mikasañake ke ediwak isua emi ekebede.

Edi ekikere esie ama otimere ke ini Qbọñ eketiñde usop-usop ete, “Anie owo okotuk ọfọñidem Mi?” Mbume oro ama ọsọñ eti- eti. Mbet Esie ikenyleneke ime, koro ediwak owo ema esaña ye Jesus ke ekpri mfafaha usuñ oro ndien ikedighe mmem-mmem ndikpetre ndituk Enye. Edi Jesus ekese ñwan oro ndien enye ọfiok ke ndo-ndo oro ete ke enyin Esie emi okutde kpukpru ñkpọ ye esit emi ọfiokde kpukpru ama okut edinam imọ. Enye ama ọduok ke iso Esie, ke ndik ye nnyekidem, koro enye ama ọfiok ndien ete ke akpan ke Enye okpon akan owo. Ñwan oro etiñ kpukpru ọnọ Enye!

Ibọrọ emi Jesus ọkọñode ekedi ndisọñọ enye idem nyuñ ndọñ enye esit, okonyuñ edi item ọnọ nnyin. Edi se ikekande erikok eke ikpohidem ama odu ke se Jesus ọkọñode enye do. “Nyọñ ke oduk ke emem” idighe ñkpọ efen ke mibohoke Qbọñ emem ke idem Esie ama adahado ọnọ enye ke mme idiok-ñkpọ esie ndien ke emi enye ekenyene

ndiyōñ ñkasaña ke obufa uwem, ke nsōñidem ye ke uwōrō ufin emi otode ikō Christ, owo Galilee. Kpukpru emi okoto ke mbuōtidem esie ke Christ ye odudu Esie.

Mbuōtidem, Akpan Ñkpō Emi Odotde

Ke Ñwēd Mme Hebrew 11:1 nnyin imokot ite ke “mbuōtidem ōwōrō ete, nnyin itim ibure ifiōk ite iyebo se nnyin idoride enyin ke esit, inyuñ itim inim ite se idibede owo ke enyin ododu.” Emi okpon akan se etukde tuk, akan se ekutde ke enyin, okpon akan kpukpru ifiōk idem nnyin. Edi ofuri akpanikō ete ke odu se idade ata nnennn ñkpō emi uwem nnyin okpoyomde idi. Mbuōtidem ñko onyuñ edi ñkpō emi adade nnyin akadian ye mme ñkpō emi edude ke nsinsi! Edi ata akpan ñkpō koro etiñ enō nnyin ete ke mbuōtidem miduhe owo ikemeke ndinem Abasi esit (Mme Hebrew 11:6). Owo emi edide etiene Abasi enyene ndinim, nte Jairus ye ñwan oro okokutde ukut, nte ke Abasi ododu, ke Enye ñko onyuñ edi andinō kpukpru owo eke eyomde Enye utip. Mbuōtidem enenem Abasi esit!

Mbuōtidem oduk ke esit nnyin oto ke erinim ye erisuk ibuoṭ nnō ikō Abasi. Ñwēd Mme Hebrew ibuoṭ duopkiet oro anam nnyin idiōñ ibat ikpō owo Abasi emi ekekemedede ndinam ñkpō nnō Abasi oto koro mmō ekenyenede mbuōtidem. Ekesidi nsōñ-ideṃ ye uñwam ōnō mmō ke ini unana, ye ōkpōsōñ idomo, ke ini owo ōbōhōde owo akpa, mme ke ini ukōbō. Ekedi ntantafiōñ emi akadade mmō usuñ okosim isōñ eñwōñō mmō ke spirit onyuñ anam mmō ekut Obio emi odude ke heaven emi okoñde onyuñ eyede akan kpukpru ñkpō isōñ emi. Mbuōtidem edi ñkpō eke otimde anana ke ererimbot, edi kpukpru owo eke edibōde enye edi ke mfōn. Ndien mme mmō emi ebōde enye eyekeme ndisaña ye Abasi, ebuana ke eridiōñ Esie, enyuñ eyep eribiōñōre Esie kpa nte mbon uko oro ke Abasi emi ema ekeka ndibō utip mmō.

MME MBUME

1. Ke Jesus okotode ndikōk owo emi ndedehe spirit ōkōtuhōrede edi, nso ikedi ido emi mme owo ekenyenede ye Enye?
2. Nso ikedi idaha Jairus ke ñkpō uwem emi ke obio esie?
3. Nso ikedi ido emi enye ekenyenede ke iso Jesus? Nte oro ekedi se eyomde?
4. Nso ikedi ibōrō Jesus ke adaña emi Enye okokopde ebeñe Jairus?
5. Anie okodomo ofuri ukeme ndituk Jesus nte Enye okosuk asañade?
6. Nte ñwan oro ama ōbō se enye okoyomde? Ewe usuñ ke emi ekedi mmem-mmēm?
7. Nso item ke Jesus ōkōnō etubom synagogue ke adaña emi okopde mbuk mkpa eyen esie?
8. Nso idi ido emi mbon ufōk etubom oro ekenyenede ye Jesus, nso ikonyuñ idi ntak ido emi?
9. Didie ke mbuōtidem ete eyen añwan oro ekedi nnennn?
10. Nte odot nnyin ndifehe ndik ke ndibuōtidem ye Ōbōñ mfīn? Nte Enye ikemeke ndinam ukem-ukem oro nnō nnyin?